

PROPERTY OF
PALAU COMMUNITY COLLEGE
LIBRARY

UCHETEMEL A LLACH

ER A

BELUU ER A IMELIIK

September 13 - October 31

1982, e milngodech er a

September 21 - October 20, 1989

BELDEKLEL A TEKOI

	Page
SEAL ER A AMT ER A IMELIHK	i
UCHELEL A BAKES	ii
I. ODENGESEL A KLOBAK	1-3
II. OLIOCHEL ER A IMELIHK	3
III. KELULUL A KLOBAK	4-5
IV. MERUUL A LLACH	5-9
V. CHOLTAUT A LLACH	9-10
VI. CHAD ER A IMELIHK	11
VII. NGARUCHEI EL KLISIICH	11
VIII. LLECHUL A SENGKYO	11
IX. UCHETEMEL A LLEMALT	11
X. OMSANGEL	12
XI. BEBIL ER A KERBAI	12
XII. OMELDECHEL A UCHETEMEL A LLACH	13
XIII. KERBIL A OIUELLEL A KABELMENT	14
XIV. RUBAK EL DIL ER A IEMLIHK	14-15
OMELISIICH	16



UCHELEL A BAKES

Kemam a rechad er a Imeliik a ultuil er a nglat ma klengeltengat er a rebeldekam ma dimla ngarngii e luldclid el tekingam ma ngaruchci el klisicham er a rechuodel mei, e melemolem a kelulul ma duch el reng er a rulba Imeliik, e mckedelad a ilmokl ma llemeltir a dertal chad, ma kikudmeklii tial uchetemel a llach el mengeluolu a klebkellam ma dikesam er a rechuodel mei. A ki mui el melatk er a mo klungiolir ar ngelekam er a ta era klebesei, ma kimo dmak el rengedel a Imeliik e dolemii tial uchetemel a llach meng mo er a rengmam el di mo kemam loungerachel er a derderel a belumam loku a klaocheliu ma kltal reng e melemomel el kiei el ngar a budech el mo cherechar.

I BLIONGEL

ODENGESEL A KLOBAK

1. BADES: A BELJU ER A IMELIHK A MO MENGULL ER A RULAB A DEREDER MA KLOBAK ER A BEKL RENGEDEL A IMELIHK EL OKIU A ULDELID MA KLDMOKL TELETAEK ER A RECHUODEL MEI: MA MERREDER ER A IMELIHK EL ROKIR A RENGUBLAI. A RENGED ER A IEMLIHK MA BLECHEBCHEL A KLOBAK ER NGII A UAIKANG:

A. NGARKEAI ER A NGERKEAI

- | | |
|------------------------|-----------------|
| 1. RENGULBAI | 6. RECHULDAK |
| 2. REBES (NGIREBLEKUU) | 7. SECHARRMIDAL |
| 3. RURCHERUDEL | 8. ARBECHANG |
| 4. RENGECHEL | 9. NGIRAICHEREI |
| 5. ERBAI | 10. ELID |

B. NGARAILECHERKEI ER A IMUL

- | | |
|-----------------------|------------------------|
| 1. SECHARRAIMUL | 6. DINGILIUS |
| 2. RECHEKEMUR | 7. OSECHAD ER A REKONG |
| 3. OLIKONG | 8. MKEKERNGAB |
| 4. ERECHUR | 9. MESEB |
| 5. OSECHAD ER A DELEB | 10. TMIRNGAKL |

C. NGARACHISAU ER A ELECHUI

- | | |
|--------------|-----------------------|
| 1. REBLUUD | 6. BITALUREI |
| 2. RCHEDIOUL | 7. RKODOLL |
| 3. MELUAT | 8. KSUALL |
| 4. IBAU | 9. IYECHAD ER A BEDUL |
| 5. NGIRAULAU | 10. MAD RA IKEKANG |

D. NGARATULAU ERA NGCHEMIANGEL

- | | |
|-------------------|--|
| 1. IDOLODAOL | 6. BUIK MELACHELBELUU
(KEKEREL MELACHELBELUU) |
| 2. MELACHELBELUU | 7. NGIRMIL |
| 3. NGIRAWAOCH | 8. UREBAU |
| 4. UBAI (DIANGEL) | 9. UCHEL |
| 5. IYAR | 10. NGIRCHELUI |

E. KLOBAK ER A MEDORM

RUCHEL (CHELUCHAU)

RIYECHAD (KIDEL)

- | | |
|------------------------------|---------------|
| 1. UCHEL | 1. NGIRABEKUU |
| 2. UUCHERMELEKL | 2. NGETELTANG |
| 3. KREKRII | 3. OILAL |
| 4. IBEDUL | 4. EBAS |
| 5. TURBUR | |
| 6. REMARK | |
| 7. NGIRKUNGIIL (KRUKKUNGIIL) | |
| 8. ONGEAI | |

2 BADES. AR MERREDEL MA KLOBAK ER A DERTAL RENGEDEL A IMELIIK A MO MELEMOLEM EL MENGEDEREDER A BLURIR EL OKIU A ULDELID EL KLISIICH MA KLDMOKL TELETAEL EL DIAK BOL KAUTOK NGII MA UCHETEMEL A LLACH MA ULKEDMOKL LLACH ER A IMELIIK MABELUU ER BELAU.

II BLIONGEL

OLIOCHEL ER A IMELIIK

1 BADES. A BELUU ER A IMELIIK A ULDIMUKL ER NGII A RENGED EL NGERKEAI, IMUL, ELECHUI, NGCHEMIANGEL, MEDORM MA IKEL ROKUI EL DI MLA RENGEDEL. A RENGEDEL A BELUU ER A IMELIIK A SEBCHEL MO MEDECHEL EL LOKIU A LLACH. ENGDI DIAK EL SEBECHEL MO MENGESADEL.

2 BADES: A OLIOCHEL ER A IMELIIK ER A BELUU MA DAOB A OLTIRAKL ER A BLEKETAKL EL TEKOI EL NGARA KLAODENGEI ER A BELUU ER A IMELIIK ER A RECHEUODEL MEI MA IKEL LULECHOLT RA UCHETEMEL A LLACH ER A BELAU.

3 BADES: A OLIOCHEL ER A BELUU ER A IMELIIK A LMUUT EL SEBECHEL MO BLEKETAKL EL UAIKAKID: NGOMUCHEL ER A DIMES ER A TOACHELMLENGUI E MELEMOLEM ER A RAEEL EL EDENG EL MO SOISEB ER A NGERMEDUU E MELEMOLEM EL MO ER A ECHELUIL E MERAEL MO SOISEB ER A OMOACHEL ER A TABCHEDING E OMDID ER A TABCHEDING EL MORA NGIMET E OMDID ER A OMOACHEL EL LOKIU A DIMES ER A "WAKUI BYOYING" E MERAEL EL MORA EDESEL A SUMECH E NGARISEI E OMAK ER A BENG E MELEMALT EL MORA OBECHAD E MORA MLEBAI E MORA OLENRULL E OMAK ER A NGERULECHOUCH E MELEMALT EL MORA MLOWAT E NGAR ISEI E MORA OLTEBADEL KAEB E MORA OLEAU ' L CHAD E OKIU A DELONGEDEL A BESACHEL IMELIIK MA NGCHELUDEL KLDEU E MELEMALT E LOKIU A DIMES ERA NGERCHEBAL E MO TUOBED ER A ELMOLL ER A ELEU EL MORA DAOB ER A HURIPIN (PHILIPPINE SEA).

III BLIONGEL

KELULUL A KLOBAK

1 BADES: A KELULUL A KLOBAK ER A IMELIIK A NGARNGII A TELOLM (6) EL RUBAK EL LULDIMUKL ER NGII A RENGULBAI MA REBES EL OMTECHEI ER A RENGARKEAI, SECHARRAIMUL EL OMTECHEI ER A NGARAILLECHERKEI, REBLUUD EL OMTECHEI ER A NGARACHISAU, IDOLODAOL EL OMTECHEI ER A NGARATULAU, UCHEL EL OMTECHEI ER A KLOBAK ER A MEDORM.

2 BADES: A KELULUL A KLOBAK ER A BELUU ER A IMELIIK A MO OMIICH ER A MO CHEDAL LOLTIRAKL A MERAL ROLEL ER A RECHUODEL MEI. A NGIDIL RUBAK EL MO DIAK EL SEBECHEL NGAR ONGDIBEL A SEBECHEL TUTKII A MOROLEL LOKIU A ROLEL ERA RECHUODEL MEI.

3 BADES: A KLOBAK ER A IMELIIK A DIMELEMOLEM A DIMLA NGARNGII EL KLISIICH ER A RECHUODEL MEI, EA MO ILEAKL EL NGERCHELIR MA KLISICHIR A UAIKAKID:

(a) TE MO MELISIICH, OMTEBECHEL, E OLTAUT A ULDEDELID ER A RECHUODEL MEI EL DI MLA TEKINGEL MA LLECHUL A BELUU ER A IMELIIK E OMES MENG DIAK BOL KAUTOK NGII MA ULKEDMOKL LLACH MA UCHETEMEL A LLACH ER A IMELIIK MA BELUU ER A BELAU.

(b) TE MO OLAB A KLISIICH ER A DEREDER, TEBCHELEL, OMINGEL MA USBECHEL A CHUTEM BELUU MA BUAI ER A IMELIIK, EL ULDIMUKL A DEBEL MA CHELMELLEL, LOKIU A KENGEI MA KLAODENGEI ER A RUBEKUL SEL RENGEDEL A IMELIIK EL NGARNGII SEL CHUTEM EL SOADEL EL KIREL A KLUNGIOLEL A BUAI. NG DIAK A CHUTEM BELUU MA BUAI EL SEBECHEL EL MO MOTERAU A LAK LOKIU A LLACH.

(c) E SEBECHEIR EL LOTOBED A ULDASEU EL MO LLACH EL MO ER A LEGISLATURE.

(d) TE MO MEAKL EL OLENGESEU ER A GOVERNOR ER A BELUU ER A IMELIIK ER A OTUTEL MA OTBECHEL A LLACH.

4 BADES: A KELULUL A KLOBAK ER A BELUU ER A IMELIHK A SEBEHEL MO KLDIBEL EL LOKIU A OKEDONGEL A RENGULBAI, MA LECHUB E NGOKEDONGEL A GOVERNOR ER A BELUU ER A IMELIHK ER A NGIIDIL TAEM. A KLOU ER A TEDOBECH ER A CHERRENGELEL A RECHEDAL A KELULUL A KLOBAK A BOL KLDIBEL E NG SEBEHEL MERUUL A UREREL.

5 BADES: A UDUDIR AR CHEDAL A KELULUL AKLOBAK A MO MOTERKOKL LOKIU A LLACH.

6 BADES: AL SEKUM A RUBAK A MENGILT EL MO CHEDAL A LEGISLATURE ER A IMELIHK, MA LECHUB ENG MO GOVERNOR E NG MO METUTK A MOROLEL EL MO CHEDAL A KELULUL A KLOBAK.

IV BLIONGEL

MERUUL A LLACH

1 BADES: A ROKUI KLISIICH RA OMERELLEL, NGERCHELEL, MA UREREL A LLACH ER A BELUU ER A IMELIHK A NGA ER A LEGISLATURE ER A IMELIHK EL DI IMOL BLAI EL TETIU (9) AR CHEDAL, EL NGARNGII A TEUANG (4) EL MENGILT ER A ERRENGELEL A IMELIHK MA DERTANG ELMENGILT EL LOMTECHEI A DERTANG RA IKEL EIM (5) EL RENGEDEL A IMELIHK EL OKIU A OMELILT ER A RUBDOIS EL CHAD EL MLO SENGKYO, A RECHEDAL A LEGISLATURE A MO CHEUAL (4) RAK EL NGA ER A DERUCHALL.

2 BADES: NG DIAK A CHAD EL SEBEHEL EL MENGILT EL MO CHEDAL A LEGISLATURE ER A BELUU ER A IMELIHK: (a) A LAK EL CHAD ER A IMELIHK; (b) NGESONGES ER A OKEDEI (30) A REKIL; (c) NGESONGES ER A EIM(5) EL RAK EL BLAL KIEI ER A IMELIHK; (d) MALECHUB ENG MLA TOMELLII A OBERAOD EL KLENGIT MALECHUB ENG KEKERONGEL ER A KERREKERIIL ER SEL TAEM ER A SENGKYO.

3 BADES: ALSEKUM A KINGALL ER A LEGISLATURE ER A IMELIHK A MO BECHACHAU ENG MO METUTK MALECHUB ENG MORENGII A ILLEAKL EL SENGKYO EL UAIKANG EL NGARIOU A ROLEL:

(a) ALSEKUM A KINGALL ER A LEGISLATURE ER A IMELIIC A MO BACHACHAU E NGII A MEDECHEL A BETOK ER A DART MA OKAI (180) EL KLEBESEI ER A KLSEL TIAL KINGALL, EA GOVERNOR A MO KUTMEKLII A ILLEAKL EL SENGKYO ER KIREL ER A DI ELSEL A OKEDEI (30) EL KLEBESEI.

(b) ENG DI A BOL BACHACHAU A KINGELLEL A OMTECHEI ER A ERENGELEL A IMELIIC E NGESONGES ER A DART MA OKAI (180) EL KLEBESEI ER A KLSEL TIAL KINGALL A MEDECHEL EA GOVERNOR A MO TUTKII A CHAD EL MO URENGELLII AMEDECHEL EL KLSEL A KINGALL ER A DI ELSEL A OKEDEI (30) EL KLEBESEI.

(c) MALECHUB A BOL BACHACHAU AKINGELLEL A CHAD ER A LEGISLATURE EL OMTECHEI ER A DERTANG ER A IKEL EIM (5) EL RENGEDEL A IMELIIC E GNESONGES ER A DART MA OKAI (180) EL KLEBESEI EL KLSEL TIAL KINGALL A MEDECHEL EA RUBEKUL MA RECHAD ER SEL RENGEDEL A IMELIIC A MO KATEKOI E OTERKEKLII A CHAD EL MO URENGELLII A MEDECHEL EL KLSEL TIAL KINGALL.

4 BADES: A RECHEDAL A LEGISLATURE A MO UDEUDEL EL MO MOTERKOKL A UDUDIR EL OKIU A LLACH, E NG DI DIAK EL SEBECHEL EL ONGESECHEKL A UDUDIR ER A ELSEL A TAEM EL NGA ER A LEGISLATURE.

5 BADES: NG DIAK A CHEDAL A LEGISLATURE EL MO OURREOR EL OLTAUT A LLACH EL NGARA EUNGEL A GOVERNOR.

6 BADES: NG DIAK A CHEDAL A LEGISLATURE EL MO KERIOLL EL KIREL A NGI DIL TEKINGEL MA CHELDECHEDECHAL ER A CHELSEL A LEGISLATURE ER SEL TEMEL A ONGDIBEL, MA DIAK BOL MUDECHEM SEL LORAEEL EL MONG, CHELSEL MA LUUT ER NGII ER A ONGDIBEL EL KIREL A NGII DIL TEMEL A LLACH, ENDI DIAK LULDIMUKL ER NGII A OBERAOD EL TELLEMALL MALCHUB E NG TEMELLEL A BUDECH ER A BELUU.

7 BADES: A LEGISLATURE ER A IMELIIC A OKIU A SENGKYO ER A RUBDOIS EL CHEDAL E REMUUL A LLECHUL MA KERBIL A UREREL ELNGII A DIAK BOL KAUTOK NGII ME TIAL UCHETEMEL A LLACH EL ULTUUL ER A MIMOKL E TABESUL EL TELETAEL ER A CHELDECHEDUCH MENG MO TABESUL A TECHELLIR ARECHEDAL EL MENGEDCHEDUCH.

A RUBDOIS ER A TEDOBECH ER A RECHEDAL A LEGISLATURE A BOLE KLDIBEL ENG SEBECHEL A LEGISLATURE EL MERUUL A UREREL, ENG DI AL NGESONGES ER A RUBDOIS A MO KLDIBEL ENG SEBECHEL EL OLENGULL E ORRIMEL ERAR DIBUS EL CHEDAL EL ME ER A ONGDIBEL EL OLTIRAKL A LLECHUL A LEGISLATURE.

8 BADES: A LEGISLATURE ER A IMELIIC A DIMO NGII EL TANG A SEBECHEL OMIICH ER A OMELELTEL MA ROLEL A MO CHEDAL, E SEBECHEL CHOKLII MA LECHUB ENG OKIU A SENGKYO ER A RUBDOIS ER A RECHEDAL E OISUR A TAR TIR.

9 BADES: KLISICHEL MA NGERCHELEL A LEGISLATURE ER A BELUU ER A IMELIIC A ULECHOLT ER A UCHETEMEL A LLACH MA LLACH ER A BELUU ER BELAU E ULDIMUKL ER NGII A IKAKID:

- (a) NG MO MERUUL A LLECHUL E OLTERKOKL OMELIUL A TAX ER A IMELIIC.
- (b) NG MO MERUUL A LLECHUL A KLEKERNGEL MA KERREMELEL A NGAR NGII EL NGAR, MA DIAK EL NGAR EL KLALOU MA KERUUL ER A ELSEL A OLIOCHEL ER A IMELIIC.
- (c) NG MO NGEIUL A KENGEI ER NGII EL KIRIR TIRKEL CHAD EL METUTK ER A GOVERNOR EL MO MEDAL A UREOR ER A BELUU ER A IMELIIC, EL OKIU A KENGEI ER A RUBDOIS EL CHEDAL.
- (d) NGOBA KLISIICH EL OMDOIS A RENGEDEL A IMELIIC EL OKIU A LLACH E ULTUUL ER A ULDESUEL A KELJULUL A KLOBAK.
- (e) NG MO RENGII A KLISICHEL EL OISUR A GOVERNOR ER A BELUU ER A IMELIIC EL OKIU A KENGEI ER A BETOK ERA EDE-RA-EUA-ITIUD (3/4) ER A ROKUI EL CHEDAL ALSEKUM A GOVERNOR A TOMELLII A TARA UAIKANG:
 OBERAOD EL KLENGIT, OBLAD A UDOUD ER A BELUU MA NGII DIL MEKNGIT EL LOMERUUL EL MTEKENGII A BELUU ER A IMELIIC.

10 BADES: A LEGISLATURE ER A IMELIIK A LORUUL A LLACH ENG OKIU A ULDASEU EL MO LLACH E NGEIUL A KENGEI ER A RUBDOIS EL CHEDAL EL KLDIBEL ER A CHERUL (2) KAKEROUS EL OMENGIUEL ER A CHELSEL A KAKEROUS EL SILS. A ULDASEU EL MO LLACH A MO OMUCHEL EL MECHUIU EL KMO: "A RECHAD ER A BELUU ER A IMELIIK OKIU A RUMTECHEI ER TIR EL NGAR ER A LEGISLATURE E OTERKEKLII EL KMO:"

11 BADES: A ULDASEU EL MO LLACH EL BLAL KENGEI ER NGII A LEGISLATURE, A DIAK BOLE LLACH ELDI MERE KMO LE MODUROKL EL MO ER A GOVERNOR EL KENGEI EL SAING ER NGII, ENGDI A LLACH EL KIREL A OTERUL A CHUTEM MA BUAI A DIREL MO MUES E MENGAJ A UNGIL KLAODENGEI ER A KELULUL A KLOBAK E MODUROKL EL MORA GOVERNOR ER A DI ELSEL A TERUICH (10) EL KLEBESEI ER A URIUL ER A LENGUU ER A LEGISLATURE. ALSEKUM A GOVERNOR A DIAK EL KENGEI ER A ULDASEU EL MO LLACH E NGOLTII EL MO ER A LEGISLATURE ER A DI CHELSEL A TERUICH (10) EL KLEBESEI ER A URIUL ER A LENGUU EL OBENGKEL A LECHUKL EL ULDESUEL LOLCHOLT ER A UCHUL MENG MLO DIAK LEKENGEI ER NGII. A GOVERNOR A SEBEHEL LONGESENGESII MA LECHUB E NG SULDII A TELKIB ER A TEKOI ER A CHELSEL A ULDASEU EL MO LLACH EL OLTOBED A UDOUD, E KONGEI E SAING ER SEL MEDECHEL MENG MO LLACH, ENGDI NGOLTII EL OBENGKEL A OMESODEL SEL TELKIB EL MILNGAS MLACHUB ENG MILSULD. ALSEKUM A GOVERNOR A DIAK EL KENGEI ER A ULDASEU EL MO LLACH MA LECHUB ENG TELKIB EL TEKOI ER A CHELSEL MALECHUB ENG DIAK LOLTII A ULDASEU EL MO LLACH ER A DI CHELSEL A TERUICH (10) EL KLEBESEI ER URIUL ER A LENGUU EL MORA LEGISLATURE, E SEL ULDASEU EL MO LLACH A MO LLACH EL DI UA LEKILNGEI ER NGII. A LEGISLATURE A SEBEHEL EL LMUUT EL MO MESAOD ER A ULDASEU EL MO LLACH EL MLOLUUT ER A GOVERNOR EL MORNGII ER A DI CHELSEL A LLUICH (20) EL KLEBESEI ER A URIUL ER A LEMOLUUT: EA LSEKUM MENG LMUUT EL KONGEI E RINGII A RE BETOK ER A EDE-ER-EUA-ITIUD (3/4) ER A RECHEDAL ENG MO LLACH. A GOVERNOR A DIAK EL SEBEHEL MO BETOK RA TANG LOLUTII A DI OSISIU EL ULDASEU EL MO LLACH EL DIAK LEKENGEI ER NGII.

12 BADES: A LEGISLATURE ER A BELUU ER A IMELIIK A KIREL MO KLDIBEL RA MEDAL A BUAI LOLTIRAKL A LLACH RURIUL ER A SENGKYO, E SEBECHIR EL MO KLDIBEL EL DIAK BOL NGESONGES ER A TANG ER A TAL RAK. A ILEAKL EL ONGDIBEL A SEBEHEL MO MOKEDONG ER A GOVERNOR MA LECHUB E NG BTELUL A LEGISLATURE.

13 BADES: A LEGISLATURE ER A BELUU ER A IMELIIK ER A ELSEL SEL KOT EL ONGDIBEL ER NGII ER A URIUL ER A LEMENGILT E LEMECHEDAOL, E TE MO MELILT ER A REMERREDELIR EL OLTIRAKL A LLECHUL A URERIR.

V BLIONGEL

CHOLTAUT A LLACH

1 BADES: A ROKUI EL KLISIICH ER A CHOTUTEL, NGERCHELEL, MA CHUREREL A KABELMENT ER A BELUU ER A IMELIIK A NGAR ER A GOVERNOR. A GOVERNOR A MO MENGILT ER A RUBDOIS EL CHAD EL MLO SENGKYO ER A BELUU ER A IMELIIK EL MO ER A OBIS EL REKIL A UREREL A CHEUAL (4) RAK. NG DIAK A CHAD EL MO MENGILT EL MO ER A OBIS ER A GOVERNOR EL MO CHENGELAKL ER A CHERUL (2) KABCHEBECH EL REKIL TIAL DERUCHALL.

2 BADES: NG DIAK A CHAD EL SEBEHEL EL MO NGUU A DERUCHELLEL A GOVERNOR ER A BELUU ER A IMELIIK EL: (a) DIAK EL CHAD ER A BELUU ER A IMELIIK: (b) DIRKAK EL BO EL OKEDEI-MA-EIM (35) A REKIL: (c) NGESONGES ER CHEIM (5) EL RAK EL BLAL KIEI ER A IMELIIK: (d) EL MLA TOMELLII A CHOBERAOD EL KLENGIT MA LECHUB ENG KEKERONGEL ER A KERREKERIIL MALECHUB ENG NGARA KELEBUS ER SEL TAEM ER A SENGKYO: (e) E CHEDAL A NGIDIL OBIS ER A BUAI E MESUK A MUI EL UDUDEL SEL DERUCHALL.

3 BADES: A LEGISLATURE ER A IEMLIK A MO RULLII A LLACH EL LOTERKEKLII A ROLEL OMELILT MA BLECHEBHEL A RECHAD EL MO ER A KINGELLEL A GOVERNOR A BOL BÈCHACHAU, ENGDI UCHEI ER A LEMEKETMOKL TIAL LLACH EA BTELUL A LEGISLATURE A MONGUU TIAL DERUCHALL A BOL BECHACHAU: ENGDI ALSEKUM A KINGELLEL A GOVERNOR ER A IMELIIK A MO BECHACHAU E NGII A MEDEHEL A BETOK ER A DART-MA-OKAI (180) EL KLEBESEI ER A

KLSEL TIAL KINGALL A MEDECHEL EA GOVERNOR A MO KUTMEKLII A ILLEAKL EL SENGKYO EL KIREL ER A DI ELSEL A OKEDEI (30) EL KLEBESEI.

4 BADES: A UDUDEL A GOVERNOR A MO MOTERKOKL EL OKIU A LLACH. A UDUDEL A DIAK BOL NGESECHEKL MA LECHUB EL MO NGANGET ER A CHELSEL A TAEM EL NGA ER A OBIS, MA DIAK EL BO E LOSUK A MUI LUDUDEL A NGII DIL NGODECH EL DERUCHALL.

5 BADES: A KLISICHEL MA NGERCHELEL A GOVERNOR A ULDIMUKL ER NGII A IKEL ROKUI E LOBENGKEL TIAL DERUCHALL MA IKAL BELSACHEL ER RIOU:

- (a) MO OLTAUT A LLACH ER A BELUU MA RENGEDEL A IMELIIL MA KABELMENT ER A BELAU.
- (b) MO MELUTK ER A RECHAD EL MO MENGUTELING A UREOR ER A KABELMENT ER A IMELIIL E NGEIUUL A KENGEI ER NGII ER A LEGISLATURE.
- (c) MO OMTECHEI ER A KABELMENT ER A IMELIIL EL MENGEDCHEDUCH ER A KABELMENT ER A BELUU ER A BELAU MA NGIDIL ELECHAD MA BELUU ER A CHELSEL MA IKREL BELAU.
- (d) MO OLDUBECH E MELISIICH E OLTAUT A ROKUI EL ULDASEU, MA TELBIIL EL MOTERKOKL ER A LEGISLATURE E MENGAI EL MO ER A GOVERNOR.
- (e) MO KIREL EL OLTOBED A ULDASEU EL MO LLACH ELMO ER A LEGISLATURE.
- (f) MO KUTMEKLII E CHOCHOTII A ULDASEU ER A ILDOIS EL KIREL A KLUNGIOLEL A SISEBEL MA OTEBEDEL A UDOUD ER A BELUU ER A IEMLIIL EL MO ER A LEGISLATURE ER A BEKL UCHELEL A RAK RA UDOUD.
- (g) MO OLTOBED A REPORT ER NGII EL KIREL A BLAL KETMOKL LUREOR MA UREREL A OBIS ER NGII EL MO ER A KELULUL A KLOBAK MA LEGISLATURE ER A BEKL RAK.
- (h) MO KONGEI MA LECHUB ENG DIAK EL KENGEI A ULDASEU EL MO LLACH EL TUOBED ER A LEGISLATURE EL MO ER NGII.
- (i) MO MELAI A TAX E LOLTIRAKL A LLACH.

VI BLIONGEL

CHAD ER A IMELIIK

A CHAD ER A IMELIIK A NGII DIL CHAD ER A BELUU ER A BELAU EL OKIU A LLACH
 E NGELEKEL A CHAD EL OKIU A CHEROLL MALECHUB E NG NGOKIU A ULDELID EL TEKOI ER
 A RECHEUODEL E MO CHEDAL A KEBLIIL MALECHUB ENG TELUNGALEK ER A IMELIIK E OLTIRAKL
 A ULEKEDMOKL LLACH ER A IMELIIK.

VII BLIONGEL

NGARUCHEI EL KLISIICH

TIAL UCHETEMEL A LLACH ER A BELUU ER A IMELIIK A KOT EL NGARBAB EL LECHUL
 A BELUU ER A IMELIIK E NG DI DIAK EL BOL KAUTOK NGII MA UCHETEMEL A LLECHUL A
 BELUU ER A BELAU.

VIII BLIONGEL

LLECHUL A SENGKYO

A CHAD ER A IMELIIK EL NGII A SEBECHEL SENGKYO ER A BELUU ER A BELAU EA
 DELENGCHEKLEL EL KIREL A SENGKYO A OLTIRAKL A ULEKEDMOKL LACH ER A BELUU ER A
 IMELIIK A SEBECHEL SENGKYO ER A BELUU ER A IMELIIK.

IX BLIONGEL

UCHETEMEL A LLEMALT

A CHAD ER A BELUU ER A IMELIIK A MO CHOLAB A OSISIU EL LEMALT, TECHALL MA
 ILEMOKL EL ULECHOLT ER A UCHETEMEL A LLACH ER A BELUU ER A BELAU EL KIRIR AR CHAD.

X BLIONGEL

OMSANGEL

1 BADES: NGMO ER NGII A OMSENGELEL A BELUU ER A IMELIHK EL MO OLSECHELEL A ROKUI EL UDOUD EL MEKERKER EL LOKIU A TAX MA NGIDIL NGODECH EL RAEL ER A UDOUD EL SOISEB BELUU. A UDOUD A DI SEBEHEL EL MO MOTOBED RA OMSENGELEL A BELUU EL OKIU A LLACH.

2 BADES: A KABELMENT ER A IMELIHK A MO SEBEHEL EL OMED MALECHUB ENG OLTOBED A UDOUD EL OMEKDUBECH A KERUUL MA UREOR EL OLTIRAKL A LLACH.

XI BLIONGEL

BEBIL ER A KERBAI

1 BADES: TIAL UCHETEMEL A LLACH A LECHUKL EL TEKOI ER A BELAU MA ENGLISH, EA IKAL LERUL TEKOI A DIOSISIU A KLISICHEL. ENGDI ALSEKUM ME NG MOR NGII A KLAUTOK ENG MO MOTIRAKL A TEKOI ER A BELAU.

2 BADES: A RECHAD ER A BELUU ER A IMELIHK A SEBECHIR EL MO MERUUL, MELODECH, MA LECHUB E TE MESULD A LLACH ER A BELUU ER A IMELIHK, EL DIAK LULDIMUKL ER NGII A LLACH ER A OTEBEDEL A UDOUD, EL OKIU A ONGIT EL OLTIRAKL A ULEKEDMOKL EL LLACH.

3 BADES: A LLACH EL MEKETMOKL MA LECHUB ENG MILSULD EL OKIU A ONGIT A DIAK EL SEBEHEL MENGODECH, MESULD MA LECHUB ENG LMUUT EL MO LLACH, A LAK EL BO EL OKIU A LMUUT EL TA ER A ONGIT.

4 BADES: A KABELMENT ER A BELUU ER A IMELIHK A NGAR NGII A KLISICHEL EL MELAI A CHETEMIR A DERSTAL CHAD EL KIREL A IKEL BO EL OUSPECH A BUAI ER A IMELIHK, EL OLTIRAKL ER A UCHETEMEL A LLACH ER A BELAU.

XII BLIONGEL

OMELDECHEL A UCHETEMEL A LLACH

1 BADES: A OMELDECHEL TIAL UCHETEMEL A LLACH A SEBECHEL MO MEKETMOKL LOKIU A ONGDIBEL RA UCHETEMEL A LLACH, MA LECHUB ENG LEGISLATURE, MA LECHUB E NG MLEUCHEL ER A RECHAD ER A BELUU EL UA IKANG EL NGAR RIOU A ROLEL:

- (a) CHEUAL RAK (4) ER A URIUL ER A LEBORNGII A KLISICHEL TIAL UCHETEMEL A LLACH E ALSEKUM A LEGISLATURE A METIK ER NGII EL NGARNGII A ULTUTELEL A LEMENGODECH TIAL UCHETEMEL A LLACH E TEMO OTEBEDII EL MO ER A RECHAD ER A BELUU A KER EL KMO: "NGUNGIL BESUL A LEBORNGII A ONGDIBEL EL MO NGODCHII MALCHUB ENG SUMECHEKLII A UCHETEMEL A LLACH?" AL SEKUM TOBDOIS ER A TEDOBECH (50%) ER A RECHAD ELMLO SENGKYO A KONGEI ER NGII, E NG MO RENGII A ONGDIBEL EL KIREL A OMELDECHEL TIAL UCHETEMEL A LLACH ER A DI ELSEL OKOLM (60) EL KLEBESEI EL OLTIRAKL A ULEKETMOKL EL LLACH.
- (b) URIUL ER A CHEUAL (4) RAK ER A BOLTAUT A KLISICHEL TIAL UCHETEMEL A LLACH EA RECHAD ER A BELUU A SEBECHEIR EL OKIU ONGIT ER A RECHAD EL ILDISIR A DIAK EL NGESONGES ER A OKEDEI EL BASENT (30%) ER A RECHAD EL TIR A SEBECHEIR EL SENGKYO E MENGAI EL MORA LEGISLATURE EL OLECHOLT ER A ULDASEU EL KIREL OMELDECHEL TIAL UCHETEMEL A LLACH. SEL LENGUU TIAL ONGIT EA LEGISLATURE A MO OTEBEDII A KER EL MO ER A RECHAD ER A BELUU, EL BO EL LONGER ER NGII ER SEL MEI EL BELSECHEL A KLOU EL SENGKYO ER A IMELIIK EL KMO: "NGUNGIL BESUL A LEBORNGII ONGDIBEL EL MO NGODECHII MA LECHUB E NG SUMECHEKLII A UCHETEMEL A LLACH?" ALSEKUM OBDOIS ER A TEDOBECH (50%) ER A RECHAD EL MO SENGKYO A KONGEI ER NGII E NG MO RENGII ONGDIBEL EL KIREL OMELDECHEL TIAL UCHETEMEL A LLACH EL DIAK EL BOL MEOD ER A OKOLM (60) EL KLEBESEI EL OLTIRAKL A ULEKETMOKL EL LLACH.

2 BADES: TIAL UCHETEMEL A LLACH A SEBECHEL MONGODECH EL OKIU A RUBDOIS EL CHAD EL MLO SENGKYO EL KIREL OMELDECHEL.

XIII BLIONGEL

KERBIL A OIUELLEL A KABELMENT

1 BADES: TIAL UCHETEMEL A LLACH A MO OMUCHEL A KLISICHEL A LEMENGAI A KENGEI ER NGII EL OKIU A SENGKYO ER A RUBDOIS EL CHAD ER A IMELIIL EL OLTIRAKL ER A ULEKETMOKL LLACH EL MO MEKETMOKL ER A LEGISLATURE ER A BELUU ER A IMELIIL.

2 BADES: A KOT EL SENGKYO ER A RECHEDAL A KABELMENT ER A EUNGEL TIAL UCHETEMEL A LLACH A MO ER NGII EL LOLTIRAKL ER A MO MEKETMOKL EL LLACH ER A LEGISLATURE ER A BELUU ER A IMELIIL.

3 BADES: A ROKUI EL LLACH, TELBIIL MA NGIDIL TEKUI EL NGILA KLISICHEL ER EUNGEL A LLACH ER A BELUU ER A IEMLIIL, EL DIAK BOL KAUTOK NGII ME TIAL UCHETEMEL A LLACH, A MELEMOLEM EL NGARNGII A KLISICHEL EL MO ER A LEMENGOECH MALECHUB ENG MESULD.

XIV BLIONGEL

RUBAK EL DIL ER A IMELIIL

A BELUU ER A IMELIIL A MO LECHOLT ER A RUBAK EL DIL ER A IKEL EIM EL RENGEDEL EL LOKIU A ODANGES MA OMENGULL, A KLDOROLEL A KLOBAK ER A IKEL EIM EL RENGED ER A IMELIIL MA BLECHEBCHER A UAIKANG:

A. BISECHERAD ER A NGERKEAI

- | | |
|---------------------------|------------------|
| 1. DIRRENGULBAI | 6. DIRRUCHULDAK |
| 2. DIRREBES (DIRREBLEKUU) | 7. UODELCHAD |
| 3. DIRRURECHERUDEL | 8. DIRRARBECHANG |
| 4. DIRRENGECHEL | 9. DIRRAICHEREI |
| 5. DILERBAI | 10. DIRRABAI |

B. IMUL

- | | |
|--------------------|------------------|
| 1. DILSECHARRAIMUL | 6. DILDINGILIUS |
| 2. DIRCHEKEMUR | 7. DILCHOSECHAD |
| 3. DILCHOLIKONG | 8. DILKERNGAB |
| 4. DILCHERCHUR | 9. DILMESEB |
| 5. DILUSECHAD | 10. DILTMIRNGAKL |

C. TELOUCHEDUI ER A ELECHUI

- | | |
|------------------|--------------|
| 1. EBIL | 6. DILUREI |
| 2. EBIL TECHEBUB | 7. DILKODOLL |
| 3. DERREDER | 8. DILSUALL |
| 4. EBILIBAU | 9. DILBEDUL |
| 5. DILJULAU | 10. KERROK |

D. MADERUR ER A NGCHEMIANGEL

- | | |
|--------------------|------------------|
| 1. OBAKLUBIL REMEL | 6. OYAOL (NGYOI) |
| 2. OBAKLUBIL RIKL | 7. OMELSERMIL |
| 3. ODERAI | 8. DILURBAU |
| 4. DILUBAI | 9. UADIL |
| 5. OMELSSERMELONG | 10. DIRCHELUI |

E. MEDORM

MALTERENG ER A ELUCHAU

1. RUONG
2. RECHEMCHAI
3. REMELACHEL
4. BACHACHAU
5. REMENGEUTK
6. KELAU
7. ?
8. ?

IYECHADELDIL ER A KIDEL

1. DIRRABEKUU
2. DIRENGETELTANG
3. DIRCHOILAL
4. DIRCHEBAS

OMELISIICH

* * * * *

AKI CHEMOLT ER A MEDAL A BUAI ER A BELUUER A IMELIICH, E KEMAM EL CHEDAL A IMELIICH
 CONSTITUTIONAL CONVENTION EL KLDIBEL ER A OBIS ER A BELUU, EL NGA ER A NGERKEAI,
 A KONGEI E SAING ER TIAL UCHETEMEL A LLACH ER A BELUU ER A IMELIICH EL MLA MEREKUI
 A OMELCHESEL ER CHELECHAL 31st EL KEBESING A October EL BUIL ER A RAK ER A 1982.

NGERKEAI

Brikul Ngiruchelbad, Rengulbai

/s/
 Minami U. Ueki
 Omtchei era Rebes

/s/
 Rubeang Ngiruchelbad

IMUL

/s/
 Masami Asanuma
 Omtchei er a Secharraimul

/s/
 Abina Etpison

ELECHUI

/s/
 Kiuuluul Mekemad
 Omtchei er a Rebluud

Jonathan O. Emul

NGCHEMIANGEL

/s/
 Timothy S. Olkeriil
 Omtchei er a Idolodaol

/s/
 Simer Eriich

MEDORM

/s/
 Meruk REngulbai
 Omtchei er a Uchel

/s/
 Krispil Ikeda

AT-LARGE

/s/
 Laighter Dolmers

/s/
 Skeras Ucherrengos

/s/
 Steve Umetaro

/s/
 Teruo Rengulbai

OMELISIICH: /s/ Louis O. Ngemaes